

AD QVODLIBETARIAM
QVAESTIO MEDICA.

44^o

MATVTINIS AGITANDA DISPVTATIONIBVS

in scholis Medicorum die Iouis ix. Februarij, magistro Andrea
du Chemin doctore medico, Moderatore.

An gravidis acutè laborantibus phlebotomia Catharsis tutior.

IAΣΥΜΠΤΩΣ symptomatum seges comitatur, mulieribus statim à conceptu corpus ingrauescit & horret, caput dolet, pallefcit cum vi-
rore facies, aspredine tuberculosa nigrâ fœdatur, oculi caligant, retrahuntur, excavan-
tur, adnata tunica liuescit, strident dentes, articuli
conuelluntur: Primis mensibus fastidit stomachus, ventriculus nauscat, expellitve quod sibi molestum, prostratur appetitus, confi-
ciunturque penuriâ victus; Pica, καρδιαγμία, παλμός, ἐκλυσίς, hysterica passio, rufsis infestat, ingruit mæstitia, hypochondria dolent,
dysenterix eis commodâ accidunt, læpæque morbus familiaris velut sepultus, reuiuiscit: Postremis verò pedes frequentissimè tume-
fcunt, stranguria, frequens mictio, & alui interceptio eas vexat. Hi omnes affectus nullis aut leuibus admodum præsiidiis indigent, ho-
rum enim finis θάνατος.

AT in graues acutósque morbos aliquando incurrunt, qui misellum fœtum ad exitum, fœtâmque miseram ad exitium præcipitant:
Tales sunt pleuritis, peripneumonia, angina, febris continuæ, causos, phrenitis, lethargus, cephalalgia soporosa cum graui torpo-
re coniuncta, epilepsia, apoplexia, conuulsio, tetanus, nephritis, colicus dolor, cholera morbus, voluulus, vteri erysipelas, & tenes-
mus: qui quidem quum sua magnitudine naturam prosternant, generosa remedia, qualia sunt phlebotomia & Catharsis, quibus ipsa
leuetur, matérque à fatali iam meta ad lucem reuocetur, & vnâ cum ea fœtus seruetur, postulant: ad morbos namque maximos pro-
figandos, curationes omninò summæ potentissimæ.

PHLEBOTOMIA, vniuersalis omnium ὁμοίωμας humorum vacuatio, morborum à plenitudine commune auxilium, his tribus intrepidè
celebranda suadet, morbi magnitudine, virium robore, & florenti ætate, quibus consentiunt aut repugnant temperamentum, habitus,
sexus, æris constitutio, & cōsuetudo. Triplex ea statuitur; Κένωσις plethoræ puræ, impuræ, ad vasa, aut ad vires, imò cacochymix ipsi in-
terdum succurrens: Ἀντάρωσις humoris siue foras prorumpentis, siue in partem aliquam procumbentis, in contrarium tractus: In ea con-
trarietas & ἀνύστωλα, distantia, communis societas & amplitudo vasorum diligenter obseruanda: Παερχήνωσις humoris partim adhuc
fluentis, partim iam illapsi in vicinam partem deductio; quæ oportunè fit præmissâ antispasmi, cum impetus fluxionis iam recedit, neque
impedientis suspicio est.

KATHARSIS, eorum quæ qualitate sunt molesta per medicamentū purgans euacuatio, cacochymix extirpandæ consecrata. To-
tidem autem medicamentorum similitudine substantiæ purgantium idæ, quot humorum peccantium genera existunt: quorum
species, quale, materia atque copia, quantum, situs denique & sedes, quam validum aut imbecillum medicamentum præscribit. fa-
cilis scilicetque purgationis tempestiua occasio ex humoris morbosifici ὁρμησις & eiusdem mitificati πηλασμός spectatur. Concitata &
ceptis immanibus effera materia protinus primo morbi tempore, purgatione est excludenda: morbis incipientibus si quid mouen-
dum videtur, moue: Altius verò in corpore recondita aut certis partibus impacta, siue vasis maioribus conclusa, non ante pepas-
mum, qui solo morbi statu fit, expurganda. Cocta non cruda medicari.

VT antiquissimum, sic expeditissimum magni cuiusque morbi præsidium est sanguinis per venæ sectionem educio, omnibus vacuandi
artibus præferenda, utpote cuius solius quantitas in manu medici sit, quæque minima naturæ perturbatione, nullo periculo, prima ple-
rūque morbi die, vnius horæ ferè spatio, nulloque fastidio affectū soluat. At quæ catharticorum ope fit vacuatio multum peccat in
commoda fœtæ & fœtus, eorum siquidem natura corporibus nostris infesta ac deleteria, ventrem ac præcipuè stomachum ὑπερδυσπν-
grauiter lædit ac comprimit adeoque vehementer vniuersum corpus exagitat & commouet, naturam ab opere suo auocans ac distra-
hens, vt in gravidis abortum efficiat, aut saltem fœtum imbecillum reddat, *Quem tantum terris ostendent fata, neque vltra esse sinent.*

Ergo gravidis acutè laborantibus phlebotomia catharsis tutior.



Asserit IOANNES AKAKIA Lutetianus, anno Domini 1612.

DOMINI DOCTORES DISPVTATVRI.

M. Symphorianus Haultin.

M. Joannes Desgorris.

M. Nicolaus Pietre.